

樂府詩集

冊
十

東坡先生集

卷一

樂府詩集卷第五十六

舞曲歌辭

雜舞

四時白紵歌

沈約

古今樂錄曰沈約云白紵五章敕臣約造武帝造後兩句

春白紵

蘭葉參差桃半紅飛芳舞縠戲春風如嬌如怨狀不同含咲流眄滿堂中翡翠羣飛飛不息願在雲間長比翼佩服瑤草駐容色羅日堯年懽無極

夏白紵

朱光灼爍照佳人含情送意遙相親嫣然宛轉亂心神非子之故欲

誰因翡翠羣飛飛不息願在雲間長比翼佩服瑤草駐容色舜日堯
年懽無極

秋白紵

白露欲凝草已黃金瑄玉柱響洞房雙心一意俱徊翔吐情寄君君
莫忘翡翠羣飛飛不息願在雲間長比翼佩服瑤草駐容色舜日堯
年懽無極

冬白紵

寒閨晝寢羅幌垂婉容麗心長相知雙去雙還誓不移長袖拂面爲
君施翡翠羣飛飛不息願在雲間長比翼佩服瑤草駐容色舜日堯
年懽無極

夜白紵

秦箏齊瑟燕趙女一朝得意心相許明月如規方襲予夜長未央歌
白紵翡翠羣飛飛不息願在雲間長比翼佩服瑤草駐容色舜日堯

年懽無極

四時白紵歌

隋煬帝

東宮春

洛陽城邊朝日暉
天淵池前春燕歸
含露桃花開未飛
臨風楊柳依依垂
小苑花紅洛水綠
清歌宛轉繁弦促
長袖逶迤動珠玉
千年萬歲陽春曲

江都夏

梅黃雨細麥秋輕
楓樹蕭蕭江水平
飛樓倚觀軒窗驚
花簾羅帷當夏清
菱潭落日雙鳬舫
綠水紅妝兩搖漾
還似浮桑碧海上
誰肯空歌採蓮唱

四時白紵歌

虞茂

江都夏

長洲茂苑朝夕池
映日含風結細漪
坐當伏檻紅蓮枝
雕軒洞戶青

蘋吹輕幌芳煙鬱金馥綺簷花簾桃李枝蘭茗翡翠恆相逐桂樹鴛
鴦恆並宿

長安秋

露寒臺前曉露清昆明池水秋色明搖環動佩出會城鷗弦鳳管奏
新聲上林蒲桃合縹緲甘泉奇樹上蔥青玉人當歌理清曲婕妤恩
情斷還續

冬白紵歌

元稹

吳宮夜長宮漏款簾幕四垂燈焰暖西施自舞王自管雪紵翻翻鶴
翎散促節牽繁舞腰嬾舞腰嬾王罷飲蓋覆西施鳳花錦身作匡牀
臂爲枕朝珮撻撻王晏寢酒醒聞報門無事子胥死後言爲諱近王
之臣諭王意共笑越王窮惴惴夜夜抱冰寒不睡

晉杯槃舞歌詩

宋書樂志曰槃舞漢曲也張衡舞賦云歷七槃而縱躡

王粲七釋云七槃陳於廣庭顏延之云遞間關於槃扇
鮑照云七槃起長袖皆以七槃爲舞也搜神記云晉太
康中天下爲晉世寧舞矜手以接杯槃而反覆之此則
漢世唯有舁舞而晉加之以杯反覆也五行志曰其歌
云晉世寧舞杯盤言接杯盤於手上而反覆之至危也
杯盤者酒食之器也而名曰晉世寧者言晉世之士偷
苟於酒食之間而其知不及遠晉世之寧猶杯盤之在
手也唐書樂志曰漢有盤舞晉世謂之杯盤舞樂府詩
云妍袖陵七盤言舞用盤七枚也

晉世寧四海平普天安樂永太寧四海安天下歡樂治興隆舞杯盤
舞杯盤何翩翩舉坐翻覆壽萬年天與日終與一左回右轉不相失
箏笛悲酒舞疲心中慷慨可健兒樽酒甘絲竹清願令諸君醉復醒
醉復醒時合同四坐歡樂皆言工絲竹音可不聽亦舞此槃左右輕

自相當合坐歡樂人命長人命長當結友千秋萬歲皆老壽

右一篇

齊世昌辭

南齊書樂志曰晉杯槃舞歌十解第三解云舞杯盤何翩翩舉坐翻覆壽萬年其第一解首句云晉世寧宋改爲宋世寧惡其杯槃翻覆辭不復取齊改爲齊世昌後一解辭同唐書樂志曰梁謂之舞盤伎唐隸散樂部中隋書樂志曰梁三朝樂第二十一設舞盤伎

齊世昌四海安樂齊太平人命長當結久千秋萬歲皆老壽

右一曲

宋泰始歌舞曲辭

古今樂錄曰宋泰始歌舞十二曲一曰皇業頌歌自堯至楚元王高祖世載聖德二曰聖祖頌三曰明君大雅

四曰通國風五曰天符頌六曰明德頌七曰帝圖頌八
曰龍躍大雅九曰淮祥風十曰宋世大雅十一曰治兵
大雅十二曰白紵篇大雅

皇業頌

明帝

皇業沿德建帝運資勳融胤唐重盛軌胄楚載休風堯帝兆深祥元
王衍遐慶積善傳上業祚福啓英聖衰數隨金祿登曆昌水命維宋
垂光烈世美流舞咏

聖祖頌

聖祖惟高德積勳代晉曆永建享鴻基萬古盛音冊睿文纘宸馭廣
運崇帝聲衍德被仁祉留化洽民靈孝建締孝業允協天人謀宇內
齊政軌宙表燭威流鍾管騰列聖彝銘賁重猷

明君大雅

虞 穌

明君應乾數撥亂紐頽基民慶來蘇日國頌薰風詩天步或暨艱列

蕃扇迷慝廟勝數九伐神謨洞七德文教洗昏俗武誼清穢挺英勳

冠帝則萬壽永齊一作天

通國風

明帝

開寶業資賢昌謨明威弼諧光烈武惟略景王勳南康華容變政文
猛績爰著有左軍三王到氏文武贊丞相作輔屬伊旦沈柳宗侯皆
殄亂泰始開運超百王司徒驃騎勳德康江安謨效殷誠彰劉沈承
規功名揚慶歸我后祚無疆

天符頌

明帝

天符革運世誕英皇在館神炫旣壯龍驤六鍾集表四緯駢光於穆
配天永休厥祥

明德頌

明帝

明德孚教幽符麗紀山鼎見奇醴液涵祉鵷鵠耀儀騶虞遊趾福延
億祚慶流萬祀

帝圖頌

帝圖凝遠瑞美昭宣濟流月鏡鹿毳霜鮮甘露降和花雪表年孝德
載衍芳風永傳

龍躍大雅

龍躍戎府玉耀蕃宮歲淹豫野璽屬嬪中江波澈映石柏開文觀毓
花檠樓凝景雲白鳥三獲甘液再呈嘉穰表沃連理協成德充動物
道積通神宋業允大靈瑞方臻

淮祥風

淮祥應賢彥生翼贊中興致太平

宋世大雅

虞 穌

宋世寧在泰始醉酒歡飽德喜萬國朝上壽酒帝同天惟長久

治兵大雅

明 帝

王命治兵有征無戰巾拂以淨醜類革面王儀振旅載戢在辰中虛

巾拂四表靜塵

白紵篇大雅

在心曰志發言詩聲成于文被管絲手舞足蹈欣泰時移風易俗王
化基琴角揮韻白雲舒簫韶協音神鳳來拊擊和節詠在初章曲乍
畢情有餘文同軌一道德行國靖民和禮樂成四縣庭響美勳英八
列陞唱貴人聲舞飾麗華樂容工羅裳映一作日袂隨風金翠列輝
蕙麝豐淑姿秀一作體允帝衷

齊明王歌辭

王融

齊明王歌辭七曲王融應司徒教而作也一曰明王曲
二曰聖君曲三曰淥水曲四曰採菱曲五曰清楚引六
薄於芳風不曰長歌引七曰散曲

明王曲

明王日月照至樂天地和幸息雲門吹復歇咸池歌桂房金匏陳瑤

軒絲石羅朱騏步躑躅玄鶴舞蹉跎露凝嘉草秀煙度醴泉波皇基
方萬祀齊民樂如何

右一曲三解

聖君曲

聖君應昌歷景祚啓休期龍樓神睿道兔園仁義基海蕩萬川集山
崖百草滋盤苗成萃止渝秣異來思清明動離軫威惠一作懷被殊辭
大哉君爲后何羨唐虞時

右一曲三解

淥水曲

湛露改寒司文鸞變春旭瓊樹落晨紅瑤塘水初淥日霽沙澈明風
動泉華燭遵渚泛蘭觴乘漪弄一作舞清曲斗酒千金輕寸陰百年促
何用盡歡娛王度式如玉

右一曲三解

採菱曲

炎光銷玉殿涼風吹鳳樓雕輜一作青輜僚平隰朱櫂泊安流金華壯翠

羽鷁首畫飛一作龍舟荆姬採菱曲越女江南謳騰聲翻葉靜發一作散

響谷雲浮良時時一遇佳人難再求

右一曲三解

清楚引

平原數千里飛觀鬱岩岩清月罔將曙浩露零中宵轉葉渡沙海別

羽自冰遼四面涌一作通寒色左右竟巖飈嶠澠多榛梗京索久塵苗

逝將憑神武奮劍盪遺妖

右一曲三解

長歌引

周雅聽休明齊德觀升平紫煙四時合黃河萬里清翠柳蔭通街朱

闕臨高城方轂雷塵起接袖風雲生酣吟爭日夕絲管牙逢迎徂年

無促慮長歌有餘聲

右一曲三解

散曲

金枝湛明燎繡幕裂芳然層闥橫綠綺曠席緬朱纏楚調廣陵散瑟
柱秋風弦輕裙中山麗長袖邯鄲妍徐歌駐行景迅節籥浮煙言願
聖明主永永萬斯年

右一曲三解

唐功成慶善樂舞辭

唐太宗

一曰九功舞殿庭朝會所奏文舞也新唐書禮樂志曰
太宗生於武功之慶善宮貞觀六年幸之宴從臣賞賜
閭里同漢沛宛帝歡甚賦詩呂才被之管絃名曰功成
慶善樂以童兒六十四人冠進德冠紫袴褶長袖漆髻
屣履而舞舊書樂志曰慶善樂太宗所造也名九功之

舞舞蹈安徐以象文德洽而天下安樂也冬正享讌及國有大慶與七德舞偕奏于庭

壽丘唯舊跡艷邑乃前基粵余承累聖懸弧亦在茲弱齡逢運改提劍鬱匡時指麾八荒定懷柔萬國夷梯山盛入款駕海亦來思單于陪武帳日逐衛文槐端展朝四嶽無爲任百司霜節明秋景輕冰結水湄芸黃遍原隰禾穎積京坻共樂還譙宴歡此大風詩

唐中和樂舞辭

唐德宗

唐會要曰貞元十四年德宗以中和節自製中和舞舞中成八卦又敘其舞曰朕以中春之首紀爲令節象中和之容作中和之舞按此曲蓋因繼天誕聖樂而作也芳歲肇佳節物華當仲春乾坤既昭泰煙景含氤氲德淺荷玄貺樂成思治人前庭列鍾鼓廣殿延羣臣八卦隨舞意五音轉曲新顧非威池奏庶協南風薰式宴禮所重浹懽情必均同和諒在茲萬國希

可親

霓裳辭十首

王建

一曰霓裳羽衣曲唐逸史曰羅公遠多祕術嘗與玄宗至月宮初以柱杖向空擲之化爲大橋自橋行十餘里精光奪目寒氣侵人至一大城公遠曰此月宮也仙女數百皆素練霓衣舞于廣庭問其曲曰霓裳羽衣帝曉音律因默記其音調而還回顧橋梁隨步而沒明日召樂工依其音調作霓裳羽衣曲一說曰開元二十九年中秋夜帝與術士葉法善遊月宮聽諸仙奏曲後數日東西兩川馳騎奏其夕有天樂自西南來過東北去帝曰偶遊月宮聽仙曲遂以玉笛接之非天樂也曲名霓裳羽衣後傳於樂部樂苑曰霓裳羽衣曲開元中西涼府節度楊敬述進鄭愚曰玄宗至月宮聞仙樂及歸但